

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 140. sjednici, održanoj 12.04.2018. godine, d o n o s i

## ZAKLJUČAK

### I.

Prihvata se Mišljenje Ministarstva za rad, socijalnu politiku i izbjeglice na Nacrt Strategije zapošljavanja Federacije Bosne i Hercegovine (2018.-2021.) predložene od strane Federalnog ministarstva rada i socijalne politike.

### II.

Stav Vlade Zeničko-dobojskog kantona iz tačke I. ovog zaključka upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/18.

Datum, 12.04.2018. godine

Z e n i c a

**PREMIJER**

*Miralem Galijašević*

DOSTAVLJENO:

1x Ministarstvo za rad, socijalnu politiku i izbjeglice,

1x Stručna služba Skupštine,

1x a/a



**ZENIČKO-DOBOJSKI KANTON**  
**VLADA**  
**n/r Premijera**  
**n/r Sekretara**

Broj: 09-34-3087/18  
Zenica, 02.04.2018. godine

**PREDMET: Mišljenje o Nacrtu Strategije zapošljavanja Federacije Bosne i Hercegovine,**  
**d o s t a v l j a s e**

Postupajući u skladu sa zaduženjem Federalnog ministarstva rada i socijalne politike, a s obzirom da je oblast rada, kao segment socijalne politike, u zajedničkoj nadležnosti federalne vlasti i kantona, u skladu sa članom III.2.e) Ustava Federacije Bosne i Hercegovine, dostavljen je u proceduru tekst Nacrta Strategije zapošljavanja Federacije Bosne i Hercegovine.

S tim u vezi, Stručna služba Skupštine zatražila je aktom, broj: 01/02-34-3087-1/18 od 28.02.2018. godine od Vlade Zeničko-dobojskog kantona i ovog ministarstva mišljenje na predloženi Nacrt Strategije.

Radi mišljenja o predloženom tekstu Nacrta Strategije, je 19.03.2018. godine, elektronskom poštom isti uputilo Savezu samostalnih sindikata BiH-Kantonalni odbor Zeničko-dobojskog kantona i Udruženju poslodavaca FBiH-Grupacija poslodavaca Zeničko-dobojskog kantona. Nakon razmatranja Strategije na sedmoj sjednici Ekonomsko-socijalnog vijeća za područje Zeničko-dobojskog kantona održanoj 30.03.2018. godine, ovo ministarstvo daje sljedeće:

**MIŠLJENJE**

Kao obrazloženje za upućivanje u proceduru Nacrta Strategije zapošljavanja Federacije Bosne i Hercegovine (2018.-2021.) navodi se da je Planom rada Federalnog ministarstva rada i socijalne politike za 2018. godinu, kao jedna od aktivnosti predviđena izrada predmetne Strategije.

Navodi se i da je glavni ekonomski i društveni problem u Federaciji Bosni i Hercegovini visoka stopa nezaposlenosti kao i da predloženi Nacrt Strategije pruža dijagnostiku tržišta rada i predlaže ciljeve i aktivnosti usmjerene ka poboljšanju stanja na tržištu rada u periodu 2018.-2021. godina. Takođe se navodi da Strategija ne predstavlja uspostavljen sveobuhvatan skup mjera za zapošljavanje, već da će kroz predložene mjere i aktivnosti optimizirati učinke do 2021. godine.

U organizaciji Ministarstva za rad, socijalnu politiku i izbjeglice na temu Strategije zapošljavanja Federacije Bosne i Hercegovine (2018.-2021.) u formi nacrta održana je sedma sjednica Ekonomsko-socijalnog vijeća za područje Zeničko-dobojskog kantona. Donesen je jednoglasan stav svih socijalnih partnera da je predmetni dokument potrebno vratiti Federalnom ministarstvu kao predlagачu na doradu, budući da je ovako koncipirana Strategija prevaziđena u kontekstu aktuelne politike, posebno u odnosu na aktuelan problem odlaska radne snage iz Federacije Bosne i Hercegovine. Sugerirše se predlagачu ovog dokumenta da se isti doradi na način da se formulišu mjere i aktivnosti koje će za cilj imati urgentno zaustavljanje negativnog trenda odliva radne snage i stvaranje povoljnijeg ambijenta za otvaranje novih radnih mjesta i nova investiranja.

Iz navedenih razloga Ministarstvo za rad, socijalnu politiku i izbjeglice Zeničko-dobojskog, smatra da ne treba podržati donošenje ovog strateški važnog dokumenta u predloženoj formi.

S poštovanjem,

**Dostavljeno:**

1x Naslov

1x a/a

**MINISTAR**

**Nurdehan Šahinović**



**Bosna i Hercegovina, Zenica, Kučukovići br. 2**  
Telefon: 032/460-680; Fax: 032/460-682; e-mail: min.rad@zdk.ba